

重陽教化集卷之二

終南山重陽子玉鼎撰

交五

玉女邀仙輩

終南一遇醴邑相逢兩次凡心蒙滌便話修持重談調攝莫使暗魔偷滴養氣全神寂票逍遙自在開閣遊歷覽清淨常行允迪應用刀圭節要開劈三田會靈明結作般般光輝是勸先向天涯海畔訪友尋朋得箇知音成開直待恁時相將同步處處嬉嬉弄竟暗裏矚矚機觀你爲作如何鋒鏑會舉箭張弓對敵百邪千寇戰迴純哲無愁感方堪教可傳端的

丹陽次韻

我今得遇把氣財并酒色心中常滌縛馬擒猿牢封緊閉唯恐精光觀滴漸漸知空寂况余今已向下波年歷當歸道相宜進迪俗念塵情慧劍頻劈憑師教通關節要功夫懇懇妙勸調引烏龜赤鳳般運青龍白虎同成幽閨箇內得乎真歡真樂更不閑搜閑覓應自然符檄烹鍊三丹靈鋒鳴鏑便散盡妖魔龍

敵永成嘉趣性增明曾無憂感逢來路幸知端的

香山會

白光生青燧至紅輝總好騰玄耀妙黃深與般般彩色把明珠覆燾暗空外來往仙道封成永號便受

玉皇宮詰雲霞裏上真唯到香山會聚發瓊

言闡道同歸去長住三島

丹陽次韻

木金交天地活真真漸好澄清湛寂深通真祥光瑞氣把丹砂覆燾方知得人能弘道仙承妙號定是受金書詰玄中妙淨中來到心通意曉這天機大道當行教薦赴蓬島

贈丹陽

這箇爲根本靈元要至誠搜真物外景滅盡世間情四序傳中氣三光在上明知通顛倒法何慮不圓成

丹陽繼韻

風仙來化我萬荷啓丹誠認正本師教焉能著世情心中無罣碍性內得圓明永永常清

淨仙名稱道成

化丹陽

凡人修道先須依此一十二箇字斷酒色財氣攀緣愛念憂愁思慮

讀晉真人語錄

大凡學道不得殺盜飲酒食肉破戒犯願

知丹陽契酒贈頌

道成尚喫酒豈惜千年壽訪飲若依前不過四十九

丹陽繼韻

警戒糟漿酒玉液增靈壽凡聖兩俱忘得真九九

今丹陽下山權與陸仙作伴

我行符水公修藥餌一居山一居鄴市兩處崇真暗相洽即非彼此無爲偏共成不二扶風儒士同爲教旨辟得正上合天意行滿功成去蓬萊却尋舊止如今且休言異寄

丹陽繼韻

風仙符水陸公藥餌兩處住一山一市造鈺居鄴敢相違便當離此懷真一難爲有二子

非秀士道通真旨認根源伏降心意縛馬擒
猿覺狂遊鳴聲便止休相侮假身是寄

七寶玲瓏

人人每日問我要求玄你便待做神仙四四
一十六箇字二十八字在眾賢會得之時也
未然既要修行先念樂花連次棄了冗家緣
物物拈來俱不染打破般般出上田一道光
明入碧天

丹陽繼韻

至愚至魯怎曉妙中玄使再拜告風仙口訣
○金身長丈六二十八宿會聖賢此理方知合
自然坎虎离龍蟠繞五方連漸漸得好因緣
大裏木人能採藥海底泥牛會種田迸出靈
光入洞天

金鼎一溪雲

對月成詞句臨風寫頌章一枝銀管瑞中祥
隨手染清涼玉洞門開深淺寶樹花分香篆
蓬萊仙鳥是吾鄉宴罷後瓊堂

丹陽次韻

淨裏傳章句清中悟句章迥玄達妙得嘉祥

自是絕交涼玉戶三封清淺金鼎一溪雲篆
蓬瀛方丈是家鄉卧月醉雲堂

上丹霄

向終南成遭遇做風狂便遊塵海上嘉祥開
閣得得任從詞曲作詩章自然神氣共交結
認正心香真清淨唯清湛還清徹虛涼涼赤
青黑白又兼黃五般彩色近來圍罩寶珠光
這迴應許碧霄上明耀無方

丹陽次韻

遇風仙心開悟騁顛狂熱妻屏子使迎祥遇
遙坦蕩恣情吟詠謾成章就中行化元知友
同共聞香烹丹鼎下丹結中丹熱大丹涼不
須鍊白更燒黃自然玉性萬般霞彩射人光
上丹霄去住蓬島水永圓方

踏雲行

東海汪洋西山詳審金鈞釣得歡無恁一頭
活樂大鯨魚萬鱗燦爛鋪白錦隨我遨遊水
雲信任青山綠水相過甚張公喫酒李公來
李公拿了張公飲

丹陽次韻

懇告玄言師前重審傳來秘訣元來恁方知
我是一鱸魚素鱗晃日如鋪錦坦蕩無拘道
遙恣任利名識破千求甚專歸物外下功夫
清心淨意刀圭飲

四果頌

果來海角天涯果應師旨衷希果得前生知
友果然合我心機

丹陽繼韻

因遇波離海涯因悟怨事用希因得風仙至
理因曉天發殺機

贈丹陽

為人須悟塵勞汨清淨心中真寶物奪得驪
龍口內珠使教走上崑崙窟

丹陽次韻

心昭性著無塵汨識得元初至真物參從風
仙雲水遊將來決住三山窟

憶王孫

人云口是禍之門我道古為禍本根不語無
言絕討論性難昏便是長生保命存

丹陽又韻

方知口是是非門緊閉牢藏舌禍根訓我無
言更不論別迷昏性命從今永永存

引丹陽上街求乞

白為骸骨紅為肌紅白粧成假合屍昨日盡
呼重陽子今朝都看伴哥兒別軀異體皆非
悟換面更形總不知世上枉鋪千載事百年
恰似轉頭時

丹陽繼韻

火風地水合為肌只是愚迷走骨屍幸遇風
仙修道德致令馬鈺妻兒玄機傳向心中
悟妙訣授於性內知直指秦川雲水去暗修
功行應天時

街中求乞

圈眼王三乞覓時被人呼作害風兒五般彩
色於身見一點光明只自知貼觀已收八句
字指期須顯七言詩長街兩面諸家富不道
驚歸是阿誰

丹陽又韻

因緣緣合正當時師父來尋物外兒傳得妙
玄唯自悟暗修行望天知上街求乞辭家

計下筆揮成捨俗詩除了譚公弄馬鈺後來
惺洒未知誰

踏雲行

昨日青巾今朝紅角脂腮粉面別軀殼改頭
換面有誰知更形易體無人覺奉勸諸公詞
中想邈百年迅速如雷電早為下手鍊精神
頓安鑪竈成丹藥

丹陽繼韻

因遇風仙頭分丫角從今陡頓忘形殼攀緣
愛念上心來被予慧照先知覺景滅澄明道
先遙邈鑪中露結靈靈電功成專待紫書來
胎仙捧出長生藥

激發丹陽

百日高門非顯功只圖足下出凡籠癡頑縱
有長拖戴決烈全無沒始終公意休令時復
想我心不與日前同大家相見如新語歡喜
分離西又東

丹陽繼韻

相親師父望傳功感謝提携已出籠但願有
鄰而有德休愁無始亦無終時聞只見塵埃

昧日久方知志氣同莫把山侗容易捨忍將
宿契各西東

挈丹陽居崑崙山煙霞洞因心未死
于是感疾患偏頭痛其痛不可忍有
若斧劈今其下山在家調治其痛愈
甚有人上山報云某來時馬先生已
痛死聞之因鼓掌大笑曰我來欲化
為神仙肯教死了為他不信感此疾
有詩云

清淨修行合上真敢將此語昧天神為公不
信偏頭痛顧我無緣正法親苦口怎知良藥
味甘心猶戀入迷津如今轉入塵勞夢難做
惺惺睡覺人

丹陽次韻

專心專認本來真修鍊精光氣與神既悟雲
霞為伴侶肯思兒女結冤孽開世網繫關
路躍出凡籠跳出津極謝本師深教悔不磨
不琢不成人

聞丹陽欲上崑崙山以詩寄之

公住山時我下山我心終是厭愚頑斷絃無

0.25 5.11.22.0

續寧成曲覆水難收已不還昔日謾傳千口
氣經今轉隔萬重關不如只作塵勞客相見
之時免厚顏

丹陽次韻

戀他愛海與恩山豈覺癡心忒然頑深謝風
仙相引出莫愁馬鈺却歸還要登雲路開瓊
路牢閉金關闢玉關烹鍊大丹丹不漏自然
得見內容顏

鍛鍊丹陽財色心

從今休更問修行怎奈燈蛾戀火坑既是鑿
開赤鳳髓已知走了黑龜精般般見處非無
意物物拈來總有情前有深潭闊萬頃如能
跳過得殘生

丹陽繼韻

悟來一志在西行趨避家緣罪業坑心淨緣
擒猿與馬神清因鍊氣和精身如野鶴無些
事性似孤雲有甚情參從本師歸物外逍遙
坦蕩證無生

詩與丹陽

猶豫猖狂忒軟頑如今難以舞胎仙我機枉

設三千里公罪重增十百年歡喜定將煩惱
對憂愁只與是非牽姓名已錄鄴都部他日
臨頭怎索賢

丹陽繼韻

不開不悟騁愚頑省覺來來志在仙道眼剔
開能久視塵心灰盡得長年使擒猛虎水中
戲却把蛟龍火裏牽異日功成歸上界與師
同處自然賢

余在煙霞洞與丹陽抵足同眠向曉

因令丹陽舒過手來揆我後腰間近
日生起疥有半指厚緣我急圖爾等
作黃鶴洞中仙
有箇害風兒海上尋良介為心頭忒緊圖
意馬隘惹出渾身疥款款細投求日月年時
賽遂得中央四寶珠祿馬快走入關西界

丹陽次韻

三髻馬山侗未稱真奇价恣縱心猿放耍顛
馬兒隘惹出吾師疥驚想死生危宿世因緣
賽寶內忻然占一珠馬風快奔赴秦川界
余在崑崙山趕丹陽下山不要同處

後令丹陽燒誓狀以詩贈之
擲下金鈞恰一年方吞香餌任綸牽玉京山
上為鵬化隨我扶搖入洞天

丹陽繼韻

風仙化我已經年悟徹吞鈞任線牽參從本
師雲外去功成決上大羅天
德新芽別有由端詩曲愛藏頭黃合醬鴛鴦
粒菜和醋作麪仇轉丹砂隨日旦靈真性覺
風流清日現澄堪誼甫相從上玉樓

丹陽繼韻

向妻男取解由園付與便迴頭方風送營歸
旦志真修合避仇我俱忘得因果金蓮轉逐
清流中養火生祥雲散斜陽返照樓

藏頭詩

時甚物得追陪耳香瞻四事惟是人非應莫
管高官顯更休猜睡認取舍與赫氣騰蒸玉
兔材火銀泉相溉濟心箇箇到蓬萊

丹陽又韻

來往往日相陪訣方知性上誰我俱忘無俗

念神安靜得真猜龍爪拓靈靈伯虎口吞燦
燦材秀金生光彩結人決要五離東萊同

無夢令 燕頭

趣心頭事少綻玉花不老要認良時豔分明
北道腦腦照返餐芝草并起

丹陽繼韻

載憂多歡少所謂父母併遇修仙無老者離
家緣蟻穿珠通道腦首腦郎田生瑞草并起

歌贈丹陽

神為宗兮氣為祖不須紐捏鳴天鼓常交龍
虎往來行引動胎仙自歌舞歌得喬舞得喬
誰人解得此般喬領天男長天女不藉榮華
棄田土也不餐也不睡不須穩不須被惺惺
洒洒離凡地又似癡又似俏本來面目須明
曉曠代劫來無箇知只知名利是便宜你休
嗔你休喜今日分明說與你雲中清雨細如
絲滋潤靈苗在根底

丹陽繼韻

頭分丫髻尋宗祖手拍肚皮打喬鼓反老還
童見本源兩脚輕狂街上舞行也喬坐也喬

喬來喬去似王喬也無男也無女也無妻妾
并田土飢來餐困來睡也無穩也無被自在
逍遙只恁地半似癡半似俏半癡半俏無箇
曉自家自得自心知不問人前宜不宜任人
嗔任人喜人喜人嗔誰采你落冕焚觥恣意
喬喬話風狂直到底

重陽教化集卷之二

正一天師清微弟子 洪百堅 製作
道教學術資訊網站

重陽教化集卷之三

交六

終南山重陽子玉誥 撰

紀夢

古道心中性三田用內觀九文陽極數一字
了然看開德神應爽扶風氣自圍於子真有
助精權入雲端

丹陽繼韻

內境勝外境如何向裏觀不勞雀目視須用
慧眸看丹藥清清秀神光燦燦團九重陽焰
棒真性自然端

遇仙槎

驚魚海裏遊首尾長搖擺百日下午金鈞釣出
婆娑界應無離水憂騰化扶風快隨我上青
霄同赴龍華會

丹陽繼韻

迷迷苦海遊緣甚塵拋擺深謝本師鈞釣向
關西界心無喜與憂化道崇真快未敢上丹
霄且結金蓮會

風馬兒

意馬捨來莫容縱常隄備墻滿瑯玕打被槽頭